

Nummi ukiuunerani aqqusinernik aserfallatsaaliuinermit malittarisassat

1. Nassuiaaneq.

- 1.1 Aqquserngit kikkunnilluunniit atorneqarsinnaasut tassaapput aqquserngit, pisuinnaat aqqutaat, tummeqqat illoqannginersallu nalinginnaasumik angallannermi tamanit atorneqarsinnaasut kommunimillu aqunneqartut, tassa imaappoq qulaani taaneqartut kommunimit tiguneqarsimapput, ingerlanneqarlutik aserfallatsaaliorneqarlutillu.
- 1.2 Aqquserngit allat tassaapput aqquserngit, illoqannginersat, pisuinnaat aqqutaat tummeqqallu nalinginnaasumik angallannermi tamanit atorneqarsinnaasut tassaallutillu illumut arlalinnuunniit immikkut pigineqartunut angallaffiit, assersuutigalugu pisortat suliffeqarfiutaannut, suliffeqarfinnut, namminerisamik illuutitut tamakkulu eqqaannut illoqannginersanut pisuinnaallu aqqutaannut il.il. aqqusineeqqat.
- 1.3 Ukiuunerani aserfallatsaaliuinerit: Aputaajaanerit siorarterinerillu.

2. Aqqusinerni ukiuunerani aserfallatsaaliuinerit.

- 2.1 Kommune aqqusinerni ukiuunerani aserfallatsaaliuisussaatitaavoq, pisussaaffik illuutitut aqquserngit eqqaaniittunut piginnittunut tunniunneqarsimanngippat.
- 2.2 Ukiuunerani aserfallatsaaliuinerit annertussusissaat tullerriiaarnerilu kommunip aalajangersassavai, tassunga ilanngullugit pisuinnaat aqqutaat tummeqqallu sorliit aputaajarneqartassanersut.
- 2.3 Tamatuma kingorna kommunip politiinik isumaqatiginninniarsinnarluni aqquserngit ataasiakkaat aputaajartarneqartarnissaannik pisussaaffik atorunnaassissallugu aalajangersinnaavaa.

2.4 Aqqusinernut atasunik illuutillit toqqaannartumillu aqqusinernut appakaassinnaasut illuutimik silataanni pisuinnaat aqputaat ukiuunerani namminneq aserfallatsaaliortassagaat kommunimit aalajangerneqarsinnaavoq. Pisuinnaat aqputaat pisuinnartunut naatsorsuussaanerupput. Pisussaaffik tamanna illuummiit angallaffiusumut annertunerpaamik miiterinik qulinik takissuseqassaaq.

2.5 Imm. 2.4 naapertorlugu pisussaaffik ilaannakortumik tamakkiisumilluunniit pisussaaffeqartup akiligasaanik kommunip aserfallatsaaliussaneraa kommunimit aalajangerneqarsinnaavoq, immaqqa ukiumut aalajangersimasunik aningaasartalerlugu. Pisussaaffilinni akiligassat agguataarneqarnissaat kommunimit aalajangersarneqassapput.

3. **Aqqusinerni allani ukiuunerani aserfallatsaaliuinerit.**

3.1 Pisortat suliffeqarfiutaat, suliffeqarfiit illutillilluunniit tamakku aqquserngit eqqaanniittut toqqaannartumillu aqqusinernut appakaassinnaasut ukiuunerani aqqusinernik aserfallatsaaliusussaatitaapput.

3.2 Aqquserngit allat kikkunniilluunniit angallaffigineqarsinnaasut tamakkunungalu pingaarutillit eqqarsaatigalugit kommunip politiinik isumaqatiginninniareerluni ukiuunerani aserfallatsaaliuinissanut erseqqinnerusunik malittarisassiorsinnaavoq.

4. **Illuutillit pisussaaffi.**

4.1 Kinaluunniit pisuinnaat aqputaannik aqqusinernillu aputaajaasussaatitaasoq tullinnguuttuni makkunani aputaajaasussaatitaallunilu siorarterisussaatitaavoq:

Isaarissat tummeqqallu.

Allakkat nakkartitsiviinut aqputit.

Eqqaavinnut takkulu eqqaannut nunaminertanut aqputit.

Aqputit isaarissallu eqqaannut aput aputaajaassuit aqquserngit killingannut nivassimasaat.

5. Ileqqoreqqusap matumap akuerineqarneraniit qaammat ataaseq qaangiuppat ileqqoreqqusaq atuutilissaaq.

Taamaalilluni ileqqoreqqusaq Nuup Kommuneani kommunalbestyrelsimit 23. oktobari 1991-imi akuerineqarpoq.

Laannguaq Lynge (ats.)
Borgmesteri

Nauja Petersen (ats.)
Kommunaldirektøri